

## **SI TE VIENS DINS L'NORD**

**Si té viens dans l'Nord , dans l'Nord ou dins l' Pas de Calais  
N'cros pas c'qu'in t'a raconté , t' verras qu'ichi  
In y est bien au pays des ch'ti mi ,**

**Ch'est fou c'qu'in peut bien raconter  
Sur l'Nord et sur l' Pas de Calais :  
Cha ch'est vrai , cha ch'est vrai ,**

**A comm incher par l'météo , qui dit qu'i pleut quand i fait  
beau ,  
Ch'est pas vrai , ch'est pas vrai  
Ch'est vrai que nous autes par ichi , in n'a pas l'soleil du  
Midi ,  
Cha ch'est vrai , cha ch'est vrai ,  
Faut quand même pas exagère r , in n'est pas taudis ingélé  
Ch'est pas vrai , ch'est pas vrai ,**

### **refrain**

**Ch'est vrai qu'in n'est pas les derniers , pour faire la fête et  
s'amuser ,  
Cha ch'est vrai , cha ch'est vrai ,  
Mais quand in dit qu'il y a autant , d'cabarets qu'il y a  
d'habitants ,  
Ch'est pas vrai , ch'est pas vrai ,  
C'est vrai aussi qu'un vrai ch'ti mi , n'arfus'ra jamais un bon  
d'mi,  
Cha ch'est vrai , cha ch'est vrai ,  
Quand in dit qu'in bot comme des tros , qu'in bot ches  
cherques et ches tonnieaux ,  
Ch'est pas vrai , ch'est pas vrai ,**

## refrain

In t'fait vir'à l' télévision , l'côté l'plus triste ed ches corons  
,  
Cha ch'est vrai , cha ch'est vrai ,  
In t'dit qu'dins ches rues ches maisons, ch'est rempli  
d'poussière ed carbon ,  
Ch'est pas vrai , ch'est pas vrai ,  
Faut pas croire in a des villaches , et certain'm int les plus  
belles plaches  
Cha ch'est vrai , cha ch'est vrai ,  
A les intinde in érot peur , in n'sérot pas c'que ch'est  
qu'eiinne fleur ,  
Ch'est pas vrai , ch'est pas vrai ,

## refrain

Té sais su' l'Nord et l'pas de Calais , in a canté des tas d'  
canchons  
Cha ch'est vrai , cha ch'est vrai  
y'a Bach'let qui nous a canté , qu'in a qu' du carbon des  
corons  
Ch'est pas vrai , ch'est pas vrai  
On a dins l'coeur des gens du Nord , tout l'soleil qu'on a pas  
dehors ,  
Cha ch'est vrai cha ch'est vrai ,  
Les capenoules nous ont canté , qu'in est cocu par ches  
anglais  
Ch'est pas vrai , ch'est pas vrai ,

refrain ,